

اسلام مجموعه سی

تعارفی: «دینی بر هیات، مہیاتی بر دہیہ» در .

یل ۲ صای ۳۲ ۱۶ رمضان ۱۳۳۲ مدیری: حلیم ثابت
۱۶ محوز ۱۳۳۱

جلد: ۳

قرآنہ کریم

سورۃ بقرہ مک ۱۹۲ نجی آیتدن ۱۹۷ نجی آیتہ قدر مفہوم شریعی
[حاشیہ لی مفہوم قرآندن] مرحوم مناستری رفت

اسلام انجاشی

[اسلامدہ انحطاط و انتہاء] م . شمس الدین
[ہرمذیت دین اوزریتہ مؤسدر . شریعتلرک تعددی ، اسکی قیدلری چوزمک دینک اساسات
عالیہ سنددر . شرع بحق ، شرع مفصل ، خرافہ پرور قوملرک دین مبین اسلامہ ضررلری .
اسکی ایران عقیدملرک تکاثف واستحالیہلرک نہلر دوغدی . مازدہنیزم و بوددیزمک تأثیراتی .
ولی ک . شیخ لقی . بووادیدہ افراد و تقریطلر . یونان فلسفہلرک اسلامہ تقوؤی . معتزلہ
فرقہلری . غلامہ شیعہ ذرملری . ویوتون بوتلرک آراسندہ حضرت علی ک موقی] .

افہنوز

دین و اخلاق . [عبادت اسلامیہ و اخلاق] بسم آتلائی

تاریخ

ابن تیمیہ [ابن تیمیہ ک طرفدارلری ۳۱ نجی حاییدن مابعد] رضالالدین بن فخرالدین

اسلام ہوائی

[جاد خیدلری . قرارکام عمومیک دسی تبلیغاتہ کورہ]

نسخہ سی ۶۰ پارہ دور

توزیع یری «زمان کتب خانہ سیدر»

نجم استقبال مطبعہ سی

« یکیردن بر کیمسه باشقه زمانلرنده نمازك قلبنده بیراقدینی الله قورقوسی ایله برشی یالماز . . . »

بر کون پیغمبر اقدیمزه انصاردن بر کنجك قالغندن بحث ایدولر ، حضرت پیغمبر (عم) اقدیمز « نماز قیلورمی ؟ .. » دییه سورار . « قیلور » جوابی وریرلر ؛ یونک اوزرینه حضرت پیغمبر اقدیمز « ان صلوته ستهاء » بیور . مشلدر . یعنی ! اونک نمازی یاقین زمانده اوکا فالقاری بیراقدیرم جقدر . فی الحقیقه چوق کچمعدن اوکنج اصلاح حال ایتمشدر .

قونییه دارالمعلمینی مدیری

یتیمی

بسم آمین

تاریخ

ابن تیمیه

ابن تیمیه ك طرفدارلری [۱]

۱۴ — بلقینی (عالم الدین صالح بن سراج الدین عمر) ۸۶۹ ده وفات ایتمشدر . بو ذات شافعیلرک بیوک عالملرندن ایدی . مشارالیه ابن تیمیه « عالم زمانه و الفائق علی اقزانه و الذاب عن شریعة المصطفی باللسان و القلم و المناضل عن الدین الحقیقی » دهرک مدح و ثنا ایتمشدر .

۱۵ — سیرینی (جلال الدین ابو الفضل عبدالرحمن بن محمد) ۸۴۹ ده سیوطی شهرنده دنیاه کلش و ۹۱۱ تاریخنده وفات ایتمشدر . بر چوق تألیفلری اوروپا و مصرده طبع اولتمشدر . مشارالیه ابن تیمیه « وارث الانبیاء اخر المجتهدین برکة الاسلام برهان المتکلمین محی السنة » دهرک ثنا ایدردی .

۱۶ — کورانی (ابراهیم بن شهاب الدین حسن الشهرزوری الکردی الشافعی) ۱۰۲۵ ده کردستانده دنیاه کلش و ۱۱۰۱ تاریخنده « مدینه » ده وفات ایتمشدر . تألیفلری چوقدر . هر بر اثرنده ابن تیمیه مدافعه ایتش و مناسب دوشدکجه مشارالیهک بحالقلرینه مقابله ایتکدن کورو دورمامشدر .

[۱] بانی ۳۱ نجی صابیده

- ۱۷ — علی القاری (علی بن محمد بن سلطان الهروی الحنفی) ۱۰۱۴
 « مکة » ده وفات ایتشدر . مشارالیه ، ابن حجرک « شمائل » شرحنده ابن
 تیمیه ایله ابن قیم حقه ایتدیکی طعنلرینه قارشو « مشکات » شرحنده « انهما
 کانا من اکابر اهل السنة والجماعة » ومن اولیاء هذه الامة ، دهرک مشارالیهما
 مدافعه ایتشدر .
- ۱۸ — مرعی الحنبلی (مرعی بن یوسف بن ابی بکر) ۱۰۳۳ ده مصرده
 وفات ایتشدر . بو ذات ابن تیمیه مدح و ثنا ایدرک « الکوکب الدریة فی مناقب
 الامام المجتهد ابن تیمیه » نامنده باشلی باشنه بر اثر وجوده کتیزمشدر .
- ۱۹ — ولی الله الدهلوی (احمد بن عبدالرحیم العمری) ۱۱۱۰ ده
 دنیا یه ککش و ۱۱۷۶ تاریخنده وفات ایتشدر .
 بو ذات هندستانده مشهور و محترم عللردن ایدی . تالیفلی جوقدر .
 مشارالیه « التفهیمات الالهیه » نام اثرنده ابن تیمیه مدح و ثنا ایتدکدنصکره
 مخالفلرک شیخه قارشو ایتدیکی طعنلری رد و جرح ایتشدر .
- ۲۰ — سوبدی (ابوالمعالی علی بن محمد سعید بن ابی البرکات عبدالله
 البغدادی العباس الشافعی) ۱۲۳۰ تاریخنده « دمشق » شهرنده وفات ایتشدر .
 مشارالیه آلوسی ابوالثنا شیخلرندن اولوب حدیث علمنده امیرالمؤمنین دیمکله
 معروف ایدی . ابن تیمیه ثنا ایدردی . برچوق تالیفلیده وارد .
- ۲۱ — سولانی (محمد بن علی الیمانی) ۱۱۷۲ ده دنیا یه ککش و ۱۲۵۰ تاریخنده
 وفات ایتشدر . بو ذات ابن تیمیه ک فضل و کائنک مقتونی اولمشدر . اثرلرنده
 شیخ مشارالیه حقه کی مدح و ثنای شوی بولده ختام بولیور : « وکان زاهدا
 فی الدنیا راغباً فی الآخرة اکثر اهل زمانه فی العقل والنهی وافرهم فی الفهم
 واتفق والبصيرة . والذکأ حسدوه لکمال عقله وجمال علمه وعماله وعادوه لصدقه
 بالحق وایثاره علی الخلق » .
- ۲۲ — آلوسی (ابوالثنا شهاب الدین محمود بن عبدالله) ۱۲۷۰ تاریخنده
 وفات ایتشدر . بو ذات بغداد شهرنده خفیلرک مفتی ایدی . (روح المعانی)

نام تفسیری مصرده طبع اولمشدر . مشارالیه ابن تیمیه نك فكری تصویب ایدهرک کندیخی مدافعه ایشدر .

۲۳ — صدریه عمده (ابوالطیب صدیق بن حسن الحسینی) بوذات بهوبال خطه سنده توابع ایدی . ۱۳۰۱ تاریخده وفات ایشدر . مشارالیه مناسبت دوشدکجه ابن تیمیه مدح و ثنا ایلم واسیخی حرمتله یاد ایدردی .

۲۴ — جمال الدینه افغانی ۱۳۱۴ تاریخده استانبولده وفات ایشدر . مشارالیه حضرتلری، پترسبورغ شهرنده کندیسیله ملاقتمز ائسانده ابن تیمیه نك « الجواب الصحیح لمن بدل دین المسیح » نام اثری حقیقه معلومات ویردکن صکره شیخ مشارالیهک بو اثری ایچون کندیسنه عموم اهل اسلام مدیون شکران اولمالیدر « دیور » .

۲۵ — آلوسی زاده (نعمان خیرالدین) بغداد شهرنده مفتی ایکن ۱۳۱۷ده وفات ایشدر . مشارالیه ابن تیمیه مدافعه ایدهرک « جلالیین » نامنده بیوک بر کتاب نشر ایشدر .

۲۶ — محمد عمده (مفتی الدیار المصریه) ۱۳۲۳ ده وفات ایشدر . مشارالیه اثرلرنده : « مسلمانلر کندی دینلری ای طاندقلری زمانلرده کره ارضک هر طرفده حاکم ایدیلر . نه وقتکه دینلری طایمازلق درجه به کلدیلر ، ایشته اووقت بتون طلم مسخره سی اولوب قانقده دخی کچکمدیلر . بونلر سائر دینلره مخالفت ایتمکله قالدیلر ، دین مین اسلامه هیچ بر مناسبتی اولیان شیلر ایله اوغراشوب کتاب وسسته خادم اولانلری ییله تکفیره قالدیشیلر . امام عزالی نك احیاسی عرناطه سوقاقلرنده آتسه یاقیلوب و دین اسلام یولنده اک غیور و خادم اولان ابن تیمیه خال و مضل کبی ناملر ویرله سنه هب بو کبی علما نامنی طاشیان جاهلر سبب اولمشدر . بویله جه دینلری طانیامان جاهلرک یایدقلری حرکتلر ، دینی بیلن و آکلایانلر ایچون قان آغلانجه حق مصیتلرندر . ایشته بوکیلردرکه — معاذالله — دین اسلامی اضمحلاله سور وکله ینلر و بونلردرکه دین مینک کوکنی چورتیمه چالیشانلر « در دیور » .
رضاء الدینه به فخر الدینه